

EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

44

45.
44



11.
Encania oder Renoualia,

Der Stifft Kirchen-
en zu Halberstadt / gehalten an

S. Mattheus Tage/welcher war der
21. Septembris/Anno 1591.
vnd dabey geprediget/

Durch

Marttinum Mirum / der heiligen

Schrift Doctor/vnd Dompres
diger daselst.



Gedruckt zu Jhena/durch

Donat Richhenhan.
Anno 1591.

A/3 B

Incipit opus Remonialis

Der Stift Rirch

in der Vogelsiedel \

der Vogelsiedel \

21. September 1791

...

...

Statutum Rirch \

...

...



Statutum in Rirch

...

...

...



Dem Hochwirdigen /

Durchleuchtigen / Hochgebornen Fürsten

vnd Herren / Herrn Heinrich Julio / postulierten

Bischoffe zu Halberstadt / vnd Hertzen zu

Braunschweig vnd Lüneburg / etc. Meinem gne-

digen Fürsten vnd Herren.

Schwidiger / Durchleuchtiger /
Hochgeborner Fürst / gnediger Herr /
Ewren Fürstlichen G. ist mein des
mütiges Gebet zu Gott für E. F. G.
samt derselben Gemahel / Jungen
Herrn vnd Frewleins / zeitliche vnd ewige wollfart in
vnterthenigkeit zuvor : Gnediger Fürst vnd Herr /
Im Buch Tobiae am 12. Capittel sagt der Engel
Raphael : Der Könige vnd Fürsten Rechte vnd
heimlichkeit sol man verschweigen / aber G. D. R. Des
Berck sol man Herrlich preisen vnd offenbaren.

Wenn denn das ein fürnehmes vnd sonder-
lich Berck Gottes / welches die Handt des Hochsten
gewircket / das alhie die Christliche Reformation /
daran E. F. G. aus Hohen Fürstlichem eyser / vnd
Bischofflicher vorsege lange zeit mit tiuem vleis
gearbeitet / zu gewündschtem ende gelauffen / vnd ein

A. ij

Hoch

Hochwirdig Dom Capittel mit einhelliger einwilligung der Union/die Augspurgische Confession angenommen/ vnd das publicum exercitium derselben in dieser Stifft Kirchen nunmehr angeordnet / Als wird dis Werck billich Vnt dem Aumechtigen/ vnd E. F. G. welche Gott zu seinem Werkzeuge hiezu gebraucht/zu Ehren weit ausgebreitet/gerühmet vnd gepreijet / Habe demnach die erste Predigt / so auff E. F. G. vnd eines Hochwirdigen Doms Capittels gnedige anordnung / Ich alhie in dieser Stifft Kirchen gethan / in offnen Druck geben wollen/ aus zweyen vrsachen.

Erstlich/ das hieraus erkant werde/Wie Christus noch heutiges Tages zur Rechten Gottes herrschet/vnd sein Reich durch die Predigt des Euangelij teglich erweitert / bey seinem Wort gegenwertig ist / dasselbe mit seinem starcken Arm/ vnd mechtiger Handt gewaltiglich fortsetzet / vnd wieder das Wüten vnd Toben des Sathans/ vnd aller Pforten der Hellen krefftiglich schützet vnd erhelt/Wie im 110. Psalm siehet: Dominare in medio inimicorum tuorum. Herrsche mitten vnter deinen Feinden. Vnd Psalm 45. Scharff sind deine Pfeile/das die Völcker für dir niederfallen / mitten vnter deinen Feinden.

Zum

Zum andern/das menniglich hieraus vernehme/wie es von E. S. G. mit dieser Reformation gemeinet/ Nemlich nicht auff Caluinische weise/ Da man alles ober einen hauffen wirfft/ Altar/ Tauffstein/ Kelche/ Orgeln/Bilder aus den Kirchen weg schafft/ oder auch wol die Kirchen ex fundamento nieder reisset/Kirchen vnd Glöster Güter raubet vnd austheilet/welches nicht eine Reformation/sondern eine Deformation ist der Kirchen/ Denn als Paulus gen Athen kam/ vnd funde viel Abgöttische Altar in der Kirchen daselbst/Riße er keinen nieder/sondern nam vrsache von einem/daran geschrieben stunde: Ignoto Deo/ ihnen von dem wahren Gott/ dem sie vnwissent dieneteten/ zu predigen/ vnd denselbigen bekant zu machen/ Act. 17. Im Tempel zu Jerusalem ist gewolliche Abgötterey getrieben worden/ wie Christus darüber klaget/das sie eine Mörder grubbe daraus gemacht/Luc. 19. Dennoch hat Christus in demselben Tempel gelect vnd geprediget/vnd Maria hat ihr Opffer auff den Altar bracht/ Ob wol die Pharisec dieselben mit ihrem Aberglauben entweihet hatten. Darumb hats mit dieser E. S. G. Reformation nicht solche Caluinische meinung/sondern E. S. G. suchen vnd begeren nichts anders/denn das die Mißbreuche abgeschafft/vnd dagegen Gottes reines Wort lauter vnd vnuerfalschet geprediget/

die Sacramenta nach Christi ordnung vnd einse-
hung gehandelt / vnd das Leben der Stifftspers-
jonen Gottes Wort gemes / Christlich vnd selig
geführt werden sol / Dagegen lassen E. F. G. die
ganze Stifft in ihrem Esse / vnd alle Kirchen vnd
Glöster bey ihrem Einkommen / etc. Das ist eine
rechte Christliche Reformation / welche niemandt
mit grunde tadeln wird / sintemahl nicht verneinet
werden kan / das in der Römischen Kirchen viel
Mißbreuche eingerissen / darüber viel frommer Her-
zen lange zeit geseuffzet / vnd die auch zu vnser zeit
Keyser Carl der fünffte gerne geendert gesehen hette /
vnd dervwegen vmb ein frey Concilium beyhm Pabst
offt ange sucht vnd gebeten. Der Allmechtige Gott
erhalte E. F. G. bey solchem Christlichen eyfer / für
die seligmachende Warheit Gottes / vnd erwecke viel
andere Potentaten / die in E. F. G. Fußstapffen tret-
ten / vnd inen die selige beilage des heiligen Euanges-
lij lassen ernstlich befohlen sein / dieselbe ausbreiten /
fortsetzen / auch rein vnd vnuerfälschet auff die nach-
kommen pflanzen / Dagegen falscher lehre vnd Irs-
thumb / sonderlich aber der Galunischen lesterung /
welche gleich als eine Sündflut mit gewalt daher
feret / als wolte sie die ganze Welt verchwemmen /
mit gebürlichem ernst widerstehen / steyren vnd we-
ren / damit Christus der Herr seine Herberge vnd
Rup

Krippelein bey vns in diesen Landen behalten mö-
ge/ bis auff seine fröliche wiedertunft / welche nun-
mehr für der Thür ist/ vnd nach welcher alle Creatu-
ren sich engstiglich mit vns sehnen vnd verlangen.
E. F. G. habe ich diese meine Predigt in vnterthenig-
keit dediciren wollen/ Bitte demütig/ E. F. G. wolle
ir solches in gnaden gefallen lassen/ vnd mein gnedi-
ger Fürst vnd Herr sein vnd bleiben. Thu E. F. G.
samt derselben hertzgeliebten Königlichen Gemahly-
jungen Herren vnd Frewlein/ hiemit in Gottes gne-
digen schutz/ zu langwiriger Gesundtheit/ friedtlicher
Regierung / glücklichem Zustande / zeitlichen vnd
ewigen Heil / in vnterthenigkeit trewlich befehlen:
Datum Halberstadt/ den 7. Nouembris/ nach Chri-
sti vnser lieben Herrn vnd Seligmachers Geburt/
im tausent/ fünffhundert vnd ein vnd neunzigsten
Jahr.

Ewer Fürst: Gnad

vnterthener Diener.

Martinus Mirus Doctor/

Domprediger daselbst.

Und da Jesus von dannen ging / sahe
er einen Menschen am Zoll sitzen / der
hies Matthæus / vnd sprach zu jm: Folge
mir. Vnd er stund auff / vnd folget jm. Vñ
es begab sich / da er zu Tische saß im Hau-
se / da kahmen viel Zölner vñd Sünder /
vñd saßen zu Tische mit Jesu / vñd seinen
Jüngern. Da das die Pharisæer sahen /
sprachেন sie zu seinen Jüngern: Warum
isset ewer Meister mit den Zöllnern vñd
Sündern? Da das Jesus höret / sprach er
zu ihnen: Die Starcken bedürffen des Arz-
tes nicht / sondern die Krancken. Gehet a-
ber hin vñd lernet / was das sey: Ich habe
wolgefallen an barmherzigkeit / vñd nicht
am Opffer. Ich bin kommen die Sünder
zur Busse zuruffen / vñd nicht die From-
men.

Gelibten

Geliebten in Christo / Zyt seindt es acht
hundert vnd eilff jahr / da dieses Stiff an-
fenglich vom Keyser Carolo dem grossen
fundirt vnd auffgerichtet worden / denn der-
selbe fromme Keyser hat gantzer dreissig Jar Kriege
geföhret / mit diesen Sechsischen Landen vnd Völk-
ern / bis er sie zum Christlichen glauben bracht / vnd
hernach da sie Christen worden / hat er / zu fortplan-
tzung vnd erhaltung des heiligen Euangelij / etzliche
Bistumb in diesen Grentzen gestiffet / als zu Bremen/
Padelborn / Verden / vnd dieses alhie / welches anfen-
glich zu Selingenstedt oder Osterwick gewesen / vnd
folgendes nach vierzig Jahren / durch Bischoff Wil-
degrin mit raht vnd hülfte Keyser Carols / hieher nach
Walberstadt gelegt worden.

Wildegryn der erste Bischoff alhie / ist ein fürne-
mer / gelehrter / vnd Gottfürchtiger Mann gewesen / wie
auch viel seiner Nachfolger / deren Nahmen noch heu-
tiges Tages im Catalogo Illustrium virorum Germaniae
gefunden werden / haben Gottes wort selbst gepredi-
get / vnd die Leute von Heydnischer Abgötterey abge-
wiesen / vnd zu Christo geföhret / Denn Bischoffe sind
fürzeiten Prediger gewesen / oberste Pfarrer vnd Supe-
rintendenten / Klöster sind Schulen gewesen / Stiffte
sind Collegia oder Lectoria gewesen / wie itzundt die A-
cademia, da man teglich zu gewissen stunden die heili-
ge Bibel gelesen vnd erkleret hat / daher die horæ Cano-
nicæ, vnd die Personē Canonici lectores genennet worden
sind / Wie noch solche ihre Empter mit etlichen Legi-
gibus, so Papst Eugenius / vnd Leo ihnen gegeben / in
Concilio Tolerano zu finden sindt / Aber weil mit der zeit
B viel

früher
5 Luthen

Liese 2
wurden
zu dem
Cungst
Beyn abn
f

viel großer Dürnung gefallen / vnd da gegen viel mis-
brenche in allen Stifften eingerissen. also / das etliche
auffs Fundament / das ist auff Christum / Golt / Sil-
ber / Edle gessen / etliche auch holtz / hew vnd Stopff-
len gebawet / 1. Corinth: 3. Vnd bey vielen ein erger-
liches vnd vncordentliches leben erfolget / Als / ist es
itzunt aus sonderlicher schickung Gottes des Allmech-
tigen vnd aus hohem Fürselichem eyfer vnd Bisschoff-
licher vorsorge / des hochwürdigen / Durchleuchtigen /
Nochgebornen Fürsten vnd Herrn / Herrn Weirrichs
Julij / postalirten Bisschoffs zu Walberstadt / vñ Der-
tzogen zu Braunschweig vnd Lüneburg / etc. Vnsers
gnedigen Herrn / Gott lob dahin bracht / das ein Noch-
würdig Dem Capittel / mit irer S. B. sich einer Christ-
lichen Reformation verglichen / vnd die gantze Vnion
darein gewilliget / das nemlich die eingefürten Mis-
brenche / in Lehr vnd Ceremonien abgeschaffet / vnd hin-
fort / nach inhalt der Prophetischen vnd Apostolischen
schriiften / in massen derer Summa in der Augspurgis-
schen Confession gefasset / vnd Anno 30. Keyser Carolo
dem fünfften / von protestirenden Fürsten vnd Sten-
den vberantwortet worden / in diesem hohen Stiff / vnd
andern darzu gehörigen Kirchen / geleret vnd gepredie-
get werden sol / auch das Leben der Stiffts personen
vnd anderer / solcher Lehr gemes / in besserung gerichtet
werden / Darzu denn dieser heutige Tag geordnet wor-
den / das diese löbliche Stiff Kirche / gleich ihre Enea-
nia oder Renoualia halten / vnd der anfang zur Er ange-
lischen Predigt gemacht werden sol. Diefür sollen wir
billich vnserm Herrn Gott dancken.

Im Propheten Sacharie am 14. stehet geschrieben:
Gegen Abend wirds lichte sein. Da verheisset Gott / das
er

er gegen Abendt / am ende der Welt / wolle einen hellen
blick seines Euangelij leuchten lassen / vnd dadurch viel
Leute bekeren vnd selig machen. Wie gleicher gestalt
der Herr Christus redet / Matth. am 24. Das Euanges-
lium wird geprediget werden in aller Welt / vnd dar-
nach wird das Ende kommen. Anfänglich ist es an-
gangen in den Orientalischen Lendern / da der Sohn
Gottes selbst geprediget / vnd das werck der Erlösung
verrichtet / hernach sind die Apostel ausgelauffen / ge-
gen Occident vnd Mittag / vnd haben da selbst dem Her-
ren Christo grosse Mengen gesamlet / Itzt am ende der
Welt / ist es in diese Witternechtischen Lender kommen /
vnd der glantz des Euangelij so weit ausgebrochen / dz
er auch bis an die Pilattas gelanget / Denn die wilden
Lappen / die zuvor in Wiltnissen gelebet / haben itzund /
wie die historici schreiben / das Euangelium von Chri-
sto angenommen / vnd leben nach demselben Christlich
vnd selig / Das ist eine grosse Wolthat Gottes / wie küm-
merlich es sonsten auch in den betrübtten zeiten / vñ letz-
ten besen der Welt / allenthalben stehet vnd gehet /
Denn auffer dem lichte des Euangelij / sitzen die Leute
in lauterem finsternis / vnd schatten des Todes. Luc. 1.
Treiben eitel Werck der Finsternis / vnd ziehen damit
die ewige finsternis vber sich / 1. Aber durch die Pre-
digt des Euangelij / lernen wir Gott erkennen / nach sei-
nem wesen vnd willen. 2. Im Euangelio hören wir
die grossen geheimnissen / da von sonst die gantze Welt
nichts weis / Als wie es anfänglich nach der Schöpf-
fung vmb den Menschen gestanden / Item / woher Sün-
de vnd Todt in die Welt kommen / Item / was Gott in
Christo für ein Remedium da wieder geordnet / Item /
wie wir vns ferner verhalten sollen / wenn wir durch
Christum geheilet / vnd gerecht worden sind.

Denn wie in der Medicina diese vier Punctlein geleret/
vnd notwendig sind zu wissen/Erstlich Physiologica, wie
es vmb des Menschen natur geschaffen/wenn er gesunt
ist. Zum andern/ aetiologica, woher so mancherley
Kranckheiten kommen. Zum dritten/therapeutica, was
für Artzeney wieder eine jegliche Kranckheit zugebrau-
chen. Zum vierden/ diaterica/wie sich der Patient hal-
ten mus/weñ er wieder gesunt worden/damit er nicht
in ein Recidiva falle/vnd das letzte erger werde/denn
das erste: Also werden auch solche vier stücke vns in
der Geistlichen Medicin fürgeschrieken/wieder D^r Er
Christus dis Gleichnis im heutigen Euangelio brau-
chet: Die Starcken bedürffen des Artztes nicht/son-
dern die Krancken/Diezuh gehören die Artikel von der
Sünde/vom Besetze/vom Euangelio/von busse vnd be-
kerung des Menschen/guten Wercken/vnd newen ge-
sam/vom ende der Welt/vom Jüngsten Gerichte/vom
Ewigen Leben der Bleubigen/von ewiger straffe der
Gottlosen/etc.

3. Das Euangelium ist das einzige Mittel/dadurch
Gott bey vns einkhret/seine Werke erge/Tempel vnd wo-
nung in vns machet. Johan. 14. Wer mich liebet/der
wird mein Wort halten/vnd mein Vater wird ihn lie-
ben/vnd wir wollen zu ihm kommen/vnd Wohnung
bey ihm machen.

4. Das Euangelium ist die Richtschnur vnser le-
bens/vnd die Leuchte vnser Füße/weiset vns/wie wir
vnser Leben anstellen vnd führen sollen/das es Gott
angenehm vnd gefellig/vns vnd andern Leuten heil-
sam vnd nütze sey.

5. Das Euangelium weist beständigen Trost/in
allem Creutz vnd Trübsal/Vnd wie das Manna in der
Wüsten

Wüsten allerley schmack gabe/wornach einem gelüste
zu Essen/Sap. 16. Also ist kein Creutz auff der Welt/
das einen Christen vberfallen kan / er findet bey dem
Himmelbrodt darwieder lebendigen Trost / da mit er
sich wieder umb auffrichten kan. Psalm. 119. Wenn
mich dein Wort nicht erhalten hette / so were ich ver-
gangen in meinem elendt.

6. Das Euangelium ist ein starcke Begehrwebr/
wieder den Sathan/vnd alle seine anfechtunge / Psal.
91. Deine Wahrheit ist Schirm vnd Schilt.

7. Im Euangelio lernen wir/wie wir selig sterben/
frölich wieder Auferstehen / vnnnd bey Christo ewig
leben mögen/Vnd diese krafft des Euangelij sehen wir/
Gott lob/heutigetages für vnsern Augen/das teglich
glaubige Christen/aus vnserm Mittel/auch kleine Kin-
derlein/in dieser Lehr auff den HErrn Christum selts-
gleich einschlaffen/keinen Todt sehen noch schmecken/
sondern durch den Todt hindurch dringen ins ewige
Leben / Derwegen sollen wir billich Gott für dieses
Gnadenwerck danken/vnd weil er vns itzt alhie in die-
sem Stiffte auch damit heimsuchet / es mit frölichem
Hertzen annemen. Nicht hat es diese meinunge mit
angestalter Reformation, als wolte man die alte Ca-
tholische Religion vnd Kirche gantz verwerffen / vnd
etwas newes auff die Ban bringen / Mein traum / vnser
Euangelium/laut der Augspurgischen Confession / les-
ret nichts anders/ denn was die alte Catholische Kir-
che/das ist/Propheten/Aposteln/vnd alle Weilligen jez-
derzeit gelehret vnd geglaubet haben/Denn das ist vnser
Cabala; wir glauben durch die gnade vnser HErrn
Ihesu Christi selig zu werden / wie alle vnser Veter/
Wie solchs im Concilio der Apostel Actorum 15. decre-

tirt worden/ allein die Abusus sollen abgeschafft wer-
den/ vnd dagegen Gottes klares vnd wahres Wort /
rein vnd lauter / ohne Menschen zusatz geprediget/ die
Sacramenta / nach Christi ordnung vnd einsetzung ge-
handelt/ vnd das Leben der selben Lehr gemes/ Christ-
lich vnd selig angestellet/ vnd hinfort geführet werden.
Das ist die Reformation / sonst bleibt das gantze
Stift in seinem Esse, vnd alle Kirchen vnd Clöster bey
reinen Gottesdiensten/ vnd ihrem Einkommen/ ohne ei-
nigen abbruch vnd nachteil.

Damit wir nun einen anfang machen/ vnd dies-
sem Tage/ da dieses Stift seine Encania helt/ vnd dar-
neben das Apostel fest mit einfelt / sein recht thun / so
wollen wir zwey Pünctlein für vns nemen zu handeln.

Erstlich etwas berichten/ von erbarung vnd ein-
weihung der Kirchen/ wie vnd warumb diese Denker
anfänglich gebawet/ vnd vnserm Herrn Gott zugeeig-
net/ geweiht vnd geheiligt worden.

Darnach zum andern/ auch vom heutigen Apo-
stel Tage/ warumb wir die gedechtnis der Heiligen in
vnsern Kirchen behalten/ vnd wie wir die Aposteln vnd
andere Heiligen recht ehren sollen.

Vom Ersten.

DIS Haus/ darinnen wir zusammen kommen/
heissen wir eine Kirche / das ist ein Griegisch
wörtlein Kyriaki oder kyriu $\delta\iota\omega\varsigma$, des **DEXXI**
Haus / Wie auch das Wörtlein Domstift quasi Do-
mini Stift lautet. Denn dis Haus ist Gott zugeeignet
das darinnen seine Gottesdienste sollen verrichtet wer-
den/ vnd dabey hat sich Gott verbunden / das er wolle
gegen

gegenwertig sein/durchs Wort vnd Sacrament Preffo-
tiglich wircken/die Leute bekehren vnd selig machen/
Exodi 20. Wo ich meines Namens gedechtnis stifften
werde/da wil ich zu dir kommen/vnd dich segnen. Das
ist: Wo man in meinem Namen wird predigen/Tauf-
fen/Absoluiren/Sacrament reichen/da wil ich /der ge-
benedeyte Weibes Samen gegenwertig sein / vnd das
Volk segnen/vom fluch vnd ewiger verdammnis erlö-
sen. Leuit. 26. Ich wil die Dürten meines Stiffts
mitten vnter euch setzen/vnd meine Seel sol euch nicht
verschmehen/Ich wil vnter euch wohnen/vnd wil ew-
er Gott sein / vnd ihr solt mein Volk sein. Ezech. 43.
Die Herrlichkeit des Herren füllet das Haus / Vnd
ich hörte eine Stimme: Das ist der ohrt meines Thro-
nes/vnd die stette meiner Fußsolen / darinnen will ich
wohnen. Psalm. 76. Gott ist in Juda bekandt/in Is-
rael ist sein Nahme herrlich / Zu Salem ist sein Gezelt/
vnd seine Wohnung zu Zion. Psalm 132. Dis ist meine
Ruhestette/hie wil ich wohnen etc.

Lataynisch heist dis Haus/Templum à contem-
plan. Io. das Christen für vnd für ihr Angesicht dahin
richten sollen/ vnd in nöten ir zuflucht zu dem Gott neh-
mē/der sich alda durchs wort hat offenbaret. Als Da-
niel in der Babylonischen Gefengnis betet / thet er die
Fenster auff/so gegen Jerusalem gingen/ da der Tempel
vnd Bundesladen gestanden. Knyet alda nieder /vnd
richtet sein Angesicht gegē denselben ohrt. Also sind vn-
sere Tempel alle gebawet/das der Chor/sampft den ho-
hen Altar / gegen Morgen oder auffgang der Sonnen
gesichtet ist/zum zeugnis/das wir den GOTT Ehren
vnd anruffen / der sich zu Jerusalem hat offenbaret/
vnd alda das Merck der Erlösunge/durch sein Leiden/

B iij

Sters

Sterben/vnd Auferstehen verrichtet/ vnd das wir nun
teglich auff seine fröliche wiederkunft sehnlich hoffen
vnd warten/da er mit auffsteigen der Sonnen / als die
Sonne der Gerechtigkeit / vnd der auffgang aus der
Nöbe/wieder erscheinen wird.

Anfenglich hat man nicht solche Kirchen gehabt.
Herodus vnd Josephus schreiben von Adam/ als er aus
dem Paradis verstoffen worden / habe er zwei steinerne
Seulen auffgerichtet / darin er die drey Historien ge-
graben/ Erstlich von der Schöpffung der Welt / zum
andern von seinem erbermlichen Fall / vnd zum dritten
die verheissunge von dem zukünfftigen Weibesamen/
welcher der Schlangen den Kopff zutretten sol/ Diese
zwei Seulen sind Adams Kirche gewesen / dahin hat
er sich alle Tage mit seinen Kindern versamlet / vnd
geprediget / haben auch ihr gebet vnd Gottesdienste/
mit Opffern vnd Lobgesengen alda verrichtet.

Zu Noah vnd Abrahams zeiten sind Altar ge-
bawet worden. Gen. 12. Da Abraham die verheissung
bekömmet / das in seinem Samen sollen gesegnet wer-
den alle Völcker auff Erden/ Da bawet er einen Altar/
vnd hebet an zu Predigen vom Nahmen des VErren/
das ist : des Sons Gottes.

Als Jacob für seinem Bruder Esau flengt/ vnd in
Mesopotamiam zeucht / bleibet er die erste Nacht auff
dem Felde / leget einen stein zum Deupften / vnd sihet im
schlaff eine Leitern / die von der Erden hinnauff gen
Himmel reicht / auff welcher die Engel auff vnd nieder
steigen/ vnd ist der Son Gottes oben an der leiter / vnd
redet mit Jacob/ Als Jacob erwachet / spricht er : Die
ist warhafftig Gottes Haus/ vnd die Thür des Hi-
mels/ nennet den ohrt Bethel / das heist ein Haus des
Her-

Herren/zuuor hat es Luza /zum Mandelbaum geheis-
sen/ vnd nimmet den Stein/ salbet ihn mit Oehl/ vnd
spricht: Herr Gott meines Vaters Abrahams vnd
Isaac/ wirstu mit mir sein/vnd mich behüten auff dem
Wege/den ich ziehe/vnd wirst mir Brod zuessen/ Vnd
Kleider anzuziehen geben/vnd mich wieder zu meinem
Vater bringen/ So solstu mein Gott sein/ mein Leben-
lang/ Vnd dieser Stein/ darauff ich gelegen bin/ sol ein
Gottes Haus werden/darzu wil ich den Zehenden ge-
ben von allem was ich habe/ Gen. 28. Dernaich da er
vber zwantzig Jahr aus Mesopotamia wieder köm-
met/bawet er alda einen Altar / vnd spricht zu seinem
Hause: Reiniget euch/vnd laßt vns auff sein/vnd gen
Bethel ziehen/das ich daselbst einen Altar bawet/ dem
Gott / der mich erhöret hat/zur zeit meines Trübsals/
Gen. 35.

Dergleichen Altar haben sie auch in ihren Düt-
ten gehabt zu Mambre / Salem / vnd sonsten/vnd hat
dieser brauch gewehret 2454. Jahr.

Dernaich da die Israeliten aus Egypten zogen/
vnd Moses befehl entpfing/ das Volck ins Gelobte
Landt zuführen/redet Moses mit Christo/vnd spricht:
Er sol selbst mit ziehen / vnd das Volck leiten / führen
vnd schützen: Wenn du nicht mit vns zueuchst (sagt er)
so wil ich keinen Fus fortsetzen. Da antwortet der Son
Gottes: Er wolle mit ziehen/ vnd befiehlt ihm / er sol
im ein Haus bawen / darinnen er seine Wohnung ha-
be/giebt ihm dessen auch einen Abris / wie es sein sol /
Da bawet Moses eine Kirche/von Seidenen Teppich-
ten/die hatte drey vnterschiede/1. Atrium den Vorhoff/
darinne das Volck stunde/2. Sanctum / darinnen war
der güldene Leuchter der Tisch mit den Schawbroten/
C vnd

vnd der Kenschaltar / 3. Sanctum sanctorum, darinnen
war die Bundeslade / allenthalben schön rbergülden /
inwendig lagen die 3wo steinerne Taffeln Moses mit de
zehen Geboten / Item / der Stecken Aaronis / welcher in
einer Nacht gegrünet / geblühet / vnd Ward ein getraz
gen / vñ ein Krüglein vol Manna / Auwendig war auff
der BundesLaden ein güldener gnadenstuel / darauff
der Sohn Gottes in der Wolcken vnd Feuer Seulen
ruhet / vnd stunden auff den Seiten zween Cherubim /
die mit ihren Flügeln zusammen rüreten / vnd beyde ihre
Angesichte auff den Gnadenstuel richteten / Diese Kir
chen trugen die Israeliten viertzig Jar mit sich in der
Wüsten / Vnd wenn das Volck fortziehen solte / erhob
sich die Wolcke oder Feuer Seule in die höhe / vnd Mo
ses ruffte : Herr stehe auff / las deine Feinde zerstreuet
werden / vnd für dir fliehen alle die dich hassen. Wenn
das Volck sich lagern solte / lies sich die Wolcken oder
Feuer Seule wieder hernieder / auff den Gnadenstuel /
vnd Moses ruffte : Herr komme wieder zu der menge
der Tausenden in Israel / Numer : 10.

Bey dieser Kirchen hat der Sohn Gottes grosse
Wunderzeichen gethan / vnd seine gegenwart offft kreff
tiglich erwiesen. Als sie an den Jordan kahmen / vnd
hinüber ins Gelobte Landt wolten / befahl Josua den
Bainlis / das sie den Tempel vorher tragen / vnd damit
ins Wasser tretten solten / als baldt verwandte sich der
Jordan zu rücke / vnd ginge das Volck trucknes Fusses
hindurch / Entlich da die mit der Kirchen wieder her
aus tradten / siel das Wasser wieder zusammen / Jos
sue 3. vnd 4. Als sie die Stadt Jericho belagert hat
ten / lies Josua die Kirche sieben Tage vmb die Stadt
herumb

herumb tragen / vnd den siebenden Tag sieben mahl /
Diewon fielen die Mauren ein zu Jericho / von sich selbst
vnd war die Stadt erobert / verbannet / vnd verbrandt /
Josue. 6. Als sie das Landt gantz eingenommen / vnd
vnter sich getheilet / satzten sie diese Kirchen gen Silo /
dahin muste alles Volck zusammen kommen / auff die
hohen Fest / vnd alda ihre Opffer vnd Gottesdienste
vertichten.

Wenn sie in Krieg außzogen / trugen sie diese Kir-
che mit sich / Vnd zu Eli zeiten ward sie ihnen genom-
men von den Philistern / vnd gen Asdod gefüret / vnd ne-
ben den Götze Dagon gesetzt / Aber des Nachts schlug
die Lade des Herren vmb sich / vnd schmier Dagon
das Neupt / vnd beyde Wende ab / griff auch der Philis-
ter Fürsten an / mit plagen an heimlichen örtern / das
sie sie nicht lenger bey sich behalten / sondern wieder von
sich schaffen müsten / Entlich holet sie David gen Je-
rusalem / vnd satzte sie in die Burg Zion / das ist her-
nach seine Kirche gewesen / dauon er in Psalmen so offft
rühmet / vnd alle seine freude vnd lust daran gehabt /
Als Psalmo; 23. Ich werde bleiben im Hause des Her-
ren immerdar. Psal. 26. Herr ich habe lieb die stete
deines Hauses / vnd den ohrt / da deine Ehr wohnet.
Psalm. 27. Eins bitte ich vom HERRN / das hette ich
gerne / dz ich im Hause des Herren bleiben möge mein
Lebenlang / zu schauen die schönen Gottesdienste des
Herren / vnd seinen Tempel zu besuchen. Psal: 42. Wie
der Dürsch schreyet nach frischem Wasser / so schreyet
meine Seel Gott zu dir / Meine Seel dürstet nach Gott /
Wenn werde ich dahin kommen / das ich Gottes An-
gesichte schaue / Ich wolte gerne hingehen mit dem
hauffen / vnd mit ihnen wallen zum Hause Gottes / etc.

Psal. 84. Wie lieblich sind deine Wohnung **W E I L**
Zebaoth/Meine Seele verlangt vnd sehnet sich nach
den Vorhöfen des Herren/Mein Leib vnd Seel frewe
en sich in den lebendigen Gott. Psal. 122. Ich frewe
mich des/das mir geredt ist/das wir werden ins Haus
des Herren gehen/etc. Vnd diese Kirche hat gewes
ret 486. Jahr.

Demnach bauet Salomon den ersten Tempel
zu Jerusalem/das war ein gros herrlich Werck / denn
als David sterben solte / befahler ihm diesen Bau /
vnd sagte: Siehe ich habe hierzu gesamlet in meiner
Armuht / hundert tausent Centner Goldes / vnd Tau
sent mahl Tausent Centner Silbers / darzu Ertz vnd
Eisen one zahl. 1. Chron. 23. Dis hat Salomon ge
nommen / vnd noch viel mehr darzu gethan / vnd an dē
Tempel eilff gantzer Jar gebawet / hat 30000. Zim
merleute / 80000. Steinmetzen / 70000. Wandtreich
er hiezu gebraucht. 1. Reg. 5. 6. Dieser Tempel ist in
wendig durchaus mit Golde vberzogen gewesen / auch
der Bodem an der Erden mit Guldnen Blechen bez
leget / Auswendig das Dach mit Golde vberzogen / vnd
die Mauern von lauter Marmelstein / das / wenn die
Leute nach Jerusalem gereiset / es weit vnd ferne ge
leuchtet vnd geglantzet / das sie ihre freude vnd lust
daran gesehen / Vnd ist ein solches Gebewde gewesen /
das es vnter die sieben Wunderwerck der Welt gerech
net worden / Darein hat Salomon die Bundes Lade
gesetzt / vnd ist das Volck Israël aus allen Landen da
hin kommen / vnd haben ihre Gottesdienste alda vers
richtet. Dis hat gewehret 423. Jahr. Da ist Nes
bucadnezar kommen / vnd hat den schönen Tempel ver
brandt / vnd in die Rissen gelegt / vnd das Jüdische
Volk

Volck mit sich nach Babel gefangen geführet. Von dieser zeit an wird der BundesLades nicht mehr in der Bibel gedacht. Die Rabinen schreiben: Jeremis als habe sie zur zeit der belage ung in den Berg Moria begraben/welches ein vorbilde gewesen / das die rechte BundesLade vnd Gnadenthron/ der ewige Son Gottes an der stede solte sterben vnnnd begraben werden. Denn Golgatha/ da der Herr gecreutziget worden/ist am Berge Moria gelegen gewesen. Nach viertzig Jahren/ als das Jüdische Volck aus der Babylonischen Gefengnis erlöset/vnd wieder heim kommen/ist der ander Tempel angefangen worden zu bauen / sind aber 46. Jahr daran gehindert worden. Johan. 2. Der selbe hat nachmahls gestanden 569. Jahr/ da hat Titus den gar aus gemacht mit dem Jüdischen Volcke/ vnd der Mosaischen Policity/ Vnd ist der Tempel abermahl verbrandt/vnd gantz Jerusalem zerschleiffet worden/das kein Stein auff dem andern blieben.

Dierauff sind die Apostel ausgelauffen in alle Welt/vnd haben dem Herrn Christo aus allen Völkern vnd Zungen einen heiligen Samen gesamlet/ da sind die Pana idolorum zerstöret/vnnnd dagegen Christo viel schöner Kirchen gebawet worden /sonderlich zur zeit Constantini Magni/da die Christenheit nach lang wiriger verfolgung Valcyonia erlanget/ Deggleichen vnter dem Keyser Theodosio/Martiano vnd andern.

Carolus Magnus/wie droben gemeldet/hat alhie in Sachsen vnnnd Westphalen viel Bisthumb gestiftet / vnnnd vnter andern auch dis alhie zu Halberstadt / Das haben hernach die Bisschoffe von tage zu tage gebessert/wie es denn viel fürnehmer Leute in diesem Stiffte gehabt.

Daymo der dritte Biffchoff alhie / ift ein fehr ge-
lerter Man gewesen / hat vber die gantze Bibel gefchries-
ben / wie noch feine Commentaria / fampft etlichen Homi-
lijs gefunden werden / hat auch mit groffem vnkosten ei-
ne ftadeliche Bibliothec alhie gezeuget / dazu ihm Key-
fer Ludouicus Pius ein Euangelienbuch gefchencket /
mit Golde / Silber / vnnnd Edelgefteinen auff das aller
fchönfte gezieret.

Bernhardus der fiebende Biffchoff / ein Marggraff
von Meiffen vnd Lausnitz / hat das Clofter Weimers-
leben gestiftet / das Jungfrawen darinnen Chriftlich
erzogen werden solten / Vnd hat das Pfortenhaus al-
hie fundirt / darinnen noch heutiges tages zwölff Wid-
wen / oder andere Personen vnterhalten werden. Sein
Bruder Sigfried hat das Haus Grünigen gebawet
et / vnd daffelbe als er ohne Erben gestorben / dem Bi-
fchoffe feinem Bruder zur Kirchen zu Dalberftadt ge-
fchencket / daher es noch der Biffchofflicher Sitz vnnnd
Burg ift.

Hildebardus der achte Biffchoff / hat das Clo-
fter zu Stötterlingburgk gestiftet.

Arnoldus der neunnde Biffchoff / hat die Kirche
alhie zu vnfer lieben Frawen gebawet / vnnnd Canoniken
darein gefezet / welche er geordnet / Das fie fich nach
diefem Ebuamb richten / vnd denselben conformirn sol-
len / Item das Clofter zu Ilfenburg.

Brandogus der zehende Biffchoff / hat das Clo-
fter S. Johannes fundirt / vnnnderftlichen Canoniken
darein gefezet / Item / die Stifft Kirche Bonifacij / auß-
fer der Stadt.

Burcardus der eilffte Biffchoff / hat den Peters
hoff in der Burg gebawet / vnd 24. andere Höfe für die
Canonicos.

Burcardus Bucco, der zwölffte / hat das Closter im
holtz Müseburg auffgerichtet / Item in der Stadt das
Collegium zu S. Paul / vnd das Wospital zu S. A-
lexio für arme Leute.

Reinhardus der funffzehende / hat das Closter
Wamer schleben fundirt / in welchem der gelehrte Mann
Wigo in seiner Jugendt erzogen worden / welcher nach-
her zu Paris ein grosser Doctor gewesen / Item / das
Closter zu Caldeborn / hat auch das Stiff S. Johan-
nis alhie zu einem Closter gemacht.

Conradus der 21. hat mit den Tempelherrn / so zu
S. Burghart gewesen / gewechselt / vnd darein die Lon-
nen zu S. Jaesb transferirt.

Der man was der 27. ein Herr von Blanckenburg /
oder Graffe von Regenstein / hat das Warffüßer Closter /
das Wospital zum heiligen Geist / das Closter in der
Newstadt / vnd S. Nicolaus Closter gestiftet.

Albertus der 28. das Jungfrawen Closter Aders-
leben / bey Wegeleben / etc.

Gleicher gestalt haben andere Bisschoffe / mit hülffe
der Weltlichen Obrigkeit / ire Stiffte gebessert / vnd al-
lenthalben viel Kirché auffgerichtet / alle zu dem ende.

Fines Templorum sind diese drey gewesen / 1. Das
Gottes Wort darinnen geleret / vnd die hochwürdigen
Sacramenta alda administrirt werden sollen / Psal. 122.
Jerusalem ist gebawet / das es eine Stadt sey / da man
zusammen kommen / da die stemme hinauff gehen
sollen / Nemlich / die stemme des Herren / zu Predigen
dem Volck Israel / vnd zu danken dem Nahmen des
Herren. Aus der ursachen sindt auch Dörffer vnd
Stedte gebawet / das Leute beyssammen wohnen / Wie
der Christliche Pöet saget :

131

E uij

Vij

Utq; altos alij de relligione docerent,
Contiguas pietas iussit habere domos.

2. Umb des Gebets willen / Das alda die Leute
zusammen kommen / Gott anruffen / loben vnd preisen
sollen. Diewon sagt Christus: Mein haus ist ein Bet-
haus / Luc. 19. Vnd verheißt Matth. am 18. Wo irer
zwey oder drey in seinem Namen zusammen kommen /
alles was sie eins werden zubitten / das sol jnen wieder-
fahren vom Vater im Himel.

3. Zum zeugnis / das der DEX vnser Gott sey /
Wie die Kinder Ruben / Gad / vnd Manasse sagten / da
sie einen Altar gebawet hatten / jenseindt dem Jordan:
Dieser Altar sol ein zeugnis sein / das der DEX / der
Gott Israel vnser Gott sey. Josue am 22.

Diezu haben sie auch die Kirchen geweihet / vnd
vnserm Herrn Gott zu eigen gegeben / vñ bey irer Kirch
weihe das Sprengwasser / Rauchfas / vnd Opffer
gebrauchet. Das Sprengwasser ist Gottes Wort /
das haben sie geprediget / Denn dadurch werden die
Wertzten der Menschen besprenget mit dem Blute Jesu
Christi / 1. Pet. 1. Das Rauchfas ist das liebe Ge-
bet / das ist das rechte Rauchwerck / das hinnauff gen
Himmel steigt / vnd für Gott angenehm ist.

Also weihet Moses seine Kirche in der Wüsten /
Prediget dem Volcke / betet mit ihnen / vnd Opffert /
Da erscheinet der Herr vom Himmel / vnd erfüllet die
Kirche mit seiner herrlichkeit. Exodi 40.

Salomon weihet auch also seinen grossen Tem-
pel / setzet die Bundeslade darein / das ist: die predigt
vom Son Gottes / knyet nachmahls vor den Altar / brei-
tet seine Nende aus gen Himel / vnd Betet: DEX
Himmels vnd der Erden / du Gott Israel / der du bel-
test

test bündt vnd barmhertzigkeit deinen Knechten/ Sta-
he ich habe deinem Nahmen ein Haus gebawet/nicht
das du in heusern wohnest/ von Wenden gemacht/
Denn aller Himels Himel/können dich nicht begreif-
fen. Herr mein Gott/las deine Augē offenstehē vber dis
haus Tag vñ Nacht/das du hörest das Gebet/welches
dein Volk an dieser stette thun wird/wenn Thewrung
oder Pestilentz/ oder Dürre/ oder Raupen/ oder Wen-
schrecken im Lande sein werden/oder das der Feind die
Thore belegert/oder irgents eine krankheit regieret/oder
der der Himel verschlossen wirdt/das nicht regnet/vnd
sie werden Beten an diesem ohrt/vnd sich von Sünden
bekehren/ So wollestu Herr hören im Himel/vnd ih-
nen gnedig sein/ etc. Auff dis Gebet erschiene Gott mit
seiner herrligkeit/vnd erfüllet das gantze haus/vnd es
fiel Feuer vom Himel/vnd verzeret das Brandopffer/
vnd Salomon Opfferte 22000. Ochsen/vnd 12000.
Schaffe/vnd hielte mit dē Volcke ein Frewdensfest sie-
ben Tage. 1. Reg: 8. 2. Chron. 6. vnd 7.

Gleicher weise weihet Esdras den andern Tem-
pel/nach der Babylonischen Gefengnis.

Item / Judas Machabeus hielt Encania oder
Renoualia/als Antiochus Epiphanes den Tempel ver-
unreiniget/vnd Abgötterey vñ vnzucht darinnen ge-
trieben hatte/Auffte das Volk zusammen/reiniget den
Tempel/mit flehen vnd beten/vñ ordnet ein Ierlich
Fest auff den 25. Tag Nouembris/welches er Encania
oder Renoualia nennet/ Das ist: vernewrung vñ
reinigung des Tempels/1. Machab. 4.

Dieser vnser Tempel vnd Stifft Kirche / ist An-
no 992. geweihet worden/ vnter dem Bisschoffe Hil-
debrardo/vñ ist Keyser Otto selbst in der Person/mit

D

vielen

vielen Fürsten vnd Graffen gegenwertig gewesen / des-
gleichen zwölff Bisschoffe vnd Ertzbisschoffe / an statt
der zwölff Aposteln / Ist geschehen am tage S. Galli/
dieweil Bisschoff Wildebarodus im Closter S. Gallen
erzogen war / wird auch das gedechtnis solcher Kirch-
weihe noch Terlich bey vns an S. Gallentag gehalten.

Dente halten wir Encania oder Renoualia dieses
Tempels / da die misbreuche abgeschafft / vnd eine
Christliche Reformation angefangen wird / vnd brauch
en auch hierzu / Erstlich das Sprengwasser / das ist :
Gottes Wort / setzen hierein die Bundeslanden / die
predigt des N. Euangelijs / vom Son Gottes / das der
allein vns fürgestelt sey / zum Gnadenstuel durch den
Glauben / in seinem Blut. Rom. 3. Zum andern nemen
wir das Kenchfas / das ist das liebe Gebet / vnd ruffen
zu Gott von grundt vnserer Hertzen / er wolle dis sein an-
gefangen Werck gnedig volziehen / vnd segnen vnd ge-
deyen dar zu geben / das es gereiche zu seinen Göttlichen
ehren / zu ausbreitung seines Euangelijs / zu erbauung
der Kirchen / vnd zu aller Zuhörer ewigen Seligkeit /
Amen / Werr Ihesu Amen.

Zum dritten wollen wir vnser Opffer verrichten /
vnd ob wir nicht 22000. Ochsen / vnd 120000. schaf-
fe zu Opffern haben / wie Salomon in seiner Kirch-
weihe / wollen wir die Opffer vnser Lippen bringen /
welche besser sind denn ein Harr / der Dörner vnd Klau-
en hat Psalm 69. vnd nach der Predigt vnser Te De-
um laudamus singen / vnd Gott mit frölichem Hertzen
vnd Munde für diese vnd alle seine Wolthaten loben /
Ehren / vnd preisen / etc. So viel vom ersten Theil.

Vom

Vom andern.

Das ander Theil vom heutigen Apostel Fest/ warumb wir die gedechtnis der Apostel in vnsern Kirchen behalten/vnnd wie wir die verstorbenen Heiligen recht Ehren sollen.

WIr haben heute den Tag S. Matthei/den halten wir billich/wie auch ander Apostel Festa in vnsern Kirchen feyrlichen/nicht der meinunge/das wir die Aposteln/vnd andere Heiligen anbeten sollen/das ist nicht die rechte Ehre der heiligen/sondern ist vnrecht/aus diesen vrsachen.

1. Ersilich ist hiewon kein Buchstabe in Gottes Wort/Man findet sonst viel in der Schrift vom Gebete/wen wir anrufen sollen/was wir bitten sollen/wie vnd warumb wir erhoret werden/auch sind viel schöner Form vnd weise zubeten/in Psalmen/vnnd anderswo beschrieben/aber nichts von anruffunge der verstorbenen Heiligen.

2. Zum andern ist es wieder Gottes Wort. Deutr. 6. steht geschrieben: Du solt Gott deinen Herrn anbeten/vnnd ihm allein dienen. So leret vns Christus beten: Vater vnser/der du bist im Himmel/etc. Vnd in 50. Psalm spricht Gott: Ruff Mich an in der zeit der noht/so wil Ich dich erretten/so soltu Mich preisen. Vnd Jeremie 2. klaget Gott vber solche Abgötterey: Sollte doch der Himmel sich dafür entsetzen/eis chrecken vnderbeben/spricht der Herr. Mich die lebendige Quelle verlassen sie/vnnd machen ihnen hie vnd da ausgehawene Brunnen/die doch löchericht sind/vnd kein Wasser geben.

D ij

3. Zum

3. Zum Dritten ist es wieder das Mittler Ampt Christi/denn es ist ein einiger Mittler /zwischen Gott vnd dem Menschen Ihesus Christus. 1. Tim. 2. Wir haben einen Vorgesprecher bey dem Vater Jesum Christum/den Gerechten. 1. Joh. 2. Der sitzt zur rechten Gottes/vnd vertritt vns. Rom. 8.

4. Zum vierden ist es den heiligen selbst eine vns ehre / denn wenn man sie anruuffet/ so mus man ihnen Omnipotentiam vnd omni scientiam / allmacht vnd allwissenheit zuschreiben/das sie all vnser noht sehen vnd wissen/die feufftzen vnser Wertzten kennen vnnnd reissehen/vnd eine allmechtige handt haben zu helfen/Das ist zuviel für die heiligen / vnnnd gehöret allein Gott zu. Zu dem wollen die Engel sich nicht anbeten lassen / Apoc. 22. Ich bin dein Mittknecht/bete Gott an. Viel weniger begerens die verstorbenen Menschen. Sie rühmen auch nicht von ihrem verdienst/das sie ihnen oder andern den Himmel verdienet/ sondern sagen alle mit der Jungfrawen Maria : Er hat grosse Barmhertzigkeit an mir gethan/Vnnnd mit Jacobo : Minorum Domine, WEr ich bin nicht wehrt all deiner Barmhertzigkeit/die du mir erzeigest. Gen. 32.

5. Zum fünfften ist es in der Kirchen Gottes niehe breuchlich gewesen/vnd ist kein Exempel hienon/wieder im alten noch newen Testament zu finden / auch nicht bey den Vetern/etliche hundert Jar nach Christi Dimelfart. Von Origene/vn andern wenigen ist es wol in schriftte ventilirt worden/Aber andere fromme Kirchen Lerer/als Lactantius/Chrysostomus/ Dylarius/ Epiphanius vnd Augustinus habens in iren Büchern wiederlegt vnnnd verworffen. Epiphanius schreibet im
Buche

Buche contra Antidico Marianitas: Reuera sanctum erat corpus Mariae, sed non Deus, Reuera fuit virgo honorata, sed non ad adorandum data, sed ipsa adorans eum, qui secundum carnem ex ipsa genitus. Quis prophetarum unquam praecepit adorari hominem, ne dum mulierem? Sie in honore Maria, Pater, Filius, & Spiritus S. adoretur. Das ist: Der Leib Marie ist warhafftig heilig gewesen/aber nicht Gott/Sie ist warhafftig die gebenedeyte vnter allen Weibern/vnnd hoch zu Ehren/aber nicht anzubeten/sondern sie hat selbst den angebetet/der von ihr geboren ist: Welcher Prophet hat jemahls geleret/das man einen Menschen anbeten sol/ich geschweige ein Weib? Man halte Mariam in Ehren/aber man bete an Gott Vater/Sohn/vnnd heiligen Geist.

Anno Christi 470. hats Petrus Snapheus/ein Ketzer erstlich in die Kirchen bracht/vnnd angefangen öffentlich die Heiligen anzuruffen/Darnach ist es Anno 681. in Synodo Oecomenica sexta mit einem besondern Cenone bestettiget worden/aber vnrecht/darumb es jetzt in reformirten Kirchen wieder abgeschafft ist.

Das man aber hie fraget/Ob man denn die thewren Werterer/vnnd Heiligen Gottes nicht Ehren sol? Darauff ist die antwort: Ja traun/Warumb wolten wir die nicht Ehren/die Gott selbs Ehret? Welche in ihrem leben auserwehlte Rüstzeug Gottes/vnnd lebendige Tempel vnnd Wohnung des heiligen Geistes gewesen/die einen guten Kampff gekempffet/Glauben behalten/vnnd die Krone der Herrligkeit empfangen/Billich werden die geehret in der Christenheit/vnnd in den Dertzen aller Gleubigen.

Wir gedennen ihrer seligen Seelen mit aller ehrerbietung im besten/Wir halten auch ihre Leibe vnnd

Ihre Geheime heilig/denn wir wissen/wie nicht allein die Seele/ sondern auch der Leib/Gottes geschöpff/also ist derselbe auch durch Christum erlöset/in der heiligen Tauffe mit dem Blute Christi gewaschen/vnnd im Abendmahl mit Christi Leib vnd Blut (welches eine Speise der vnsterblichkeit) genehret/Darumb Irenus sagt: Impossibile est corpora nostra posse manere in sepulchris, cum sint nutrita viuifica carne & sanguine filij Dei, &c. Es sey vnmöglich/das vnser Leibe können in den Grebern bleiben/weil sie mit dem lebendmachendem Fleisch vnd Blut des Sohns Gottes gespeiset vnd getrencket sein/vnd werden izt von den Engeln bewacht in ihren Grebern/das kein Weinlein noch Steublein danon verröiet oder verloren sein kan/bis ad diem restitutionis omnium. Actor. 3. Da werden sie leuchten wie die Sonne am Dimel/vnd wie der glantz des Firmaments. Matth. 13. Daniel. 12.

Wir verwerffen auch nicht alle Gemelde vnd bilde der Heiligen/sondern sagen mit Doctor Luther: das die Bildstürmer/Zwinglianer vnd Calvinisten vnrecht thun/die alle Bilder aus der Kirchen reißen/bekennen mit Gregorio: Quod doctis est scriptura, illud vulgo est pictura. Was die Gelehrten in der Schrift haben/das können die Einfeltigen an den Gemehlden vnd bildern lernen vnd studiren.

Wir behalten auch die gedechtnis der Heiligen in vnsern Kirchen/vnd begeben die Festa der hochgelobten Jungfrawen Maria/vnnd der Apostel feyrliehen/Die von haben wir Gottes Wort/Psalm. 112. In memoria sempiterna erit iustus. Des Gerechten wirdt nimmermehr vergessen werden. Psalm 116. Der Todt seiner Heiligen ist wehrt geachtet für den Augen des
Herr

Verren. Wir haben auch Exempel in der Bibel: Der
verstorbenen Ertzvater wird im alten Testament gar
ehrlich erwehnet/ So gedenckt auch Christus Johan-
nis des Teuffers nach seinem Tode rühmliche. Vnd in
105. 106. Psalm/ Acto. 7. Heb. 11. Werden die gros-
sen Wercke der Heiligen/ sampt ihrem Lobe nach der
Lenge beschrieben/ Was nun Gottes Wort vns weiset/
das erzeigen wir den Heiligen willig vnd vleißig/ Aber
wir müssen hie neben acht haben / das wir vom Wort
nicht schreiten/ vnd demselben zuwieder nichts fürneh-
men/ Darumb lassen wir Gottes Wort alhie das Licht
vnsrer Füße sein/ vnd Ehren die Heiligen auff dreyer ley
weise / wie solches in der Augspurgischen Confession
erklärer wird.

Erstlich loben wir Gott in seinen heiligen Psal.
150. Laudate Dominum in sanctis eius. Das ist: Wir
rühmen vnd preisen die grossen Wohlthaten Gottes/ die
er der Welt durch diese seine Werkzeuge erzeiget hat/
das er ihm aus dem Menschlichen Geschlecht für vnd
für eine Kirche samlet/ vnd zu allen zeiten grosse Wun-
derleute/ vnd heilsame Lehrer erwecket hat / welche er
angethan mit krafft aus der höhe / vnd durch sie sein
Wort vnd Euangelium in der Welt ausgebreitet/ fort-
gesetzt/ erhalten/ vnd auch itzundt gnedig an vns ge-
langen lassen/ das wir auch kommen sein zum Erbtheil
der heiligen im Licht / Errettet aus der Dornigkeit der
Finsteris/ vnd versetzt in das Reich seines lieben Sons/
an welchen wir haben die erlösung durch sein Blut/
Nemlich vergebung der Sünden. Coloss. 1. Ephes. 1.

Diefür loben vnd preisen wir Gott/ denn es sind
nicht Wercke der heiligen/ sondern des Sohns Gottes/
Wie S. Paulus bezeuget/ Ephes. 4. Er ist auffgefaren

D iij in

in die höhe/vnnd hat Gaben empfangen für die Menschen/setzt etliche zu Aposteln/etliche zu Propheten/etliche zu Euangelisten/etliche zu Lehrern/etliche zu Wirten. 1. Corint. 12. Es sind mancherley Gaben/aber es ist ein Geist/Es sind mancherley Empter/aber es ist ein Herr/Es sind mancherley Krefste/aber es ist ein Gott/der wirket alles in allen. 1. Corin. 15. Ich habe mehr gearbeitet/denn sie alle/Aber nicht ich/sondern Gottes gnade/die in mir ist.

Diebey examiniren wir auch vnser Lehre vnd bekenntnis/ob es mit der Lehre der heiligen Apostel übereinstimme/vnd wenn wir das befinden/schliessen wir/das wir Gliedmassen der wahren Apostolischen Kirchen sein/vngeachtet was andere wieder vns schreyen vnd schreiben.

Wir betrachten auch das Leben der Heiligen/vnd wenn wir darinnen schwachheit oder auch grosse fehler trit befinden/wie bey David vnd Petro/lernen wir daraus/das wir nicht durch vnserer Werke, oder verdienste/sondern durch die gnade vnseres Herrn Ihesu Christi selig werden.

An ihrer straffe vnd züchtigung erkennen wir die grosse Barmhertzigkeit Gottes/ das er seine Kinder nicht strafft/wie die Gottlosen/sondern züchtiget sie mit der Ruten/vnnd wendet seine Gnade nicht von ihnen/lest auch seine Warheit nicht fehlen/vnd seine Verheissung nicht auffhören. Psalm 89.

Ihr vierfeltiges Creutz vnd trübsal/darinnen sie auff Erden gewallet/erinnert/vns/das Gott seine heiligen wunderlich füret/Psal. 4. vnd seine Kirche ohne Menschliche gewalt/allein mit seinem starcken Arm/vnd mechtiger Handt schützet vnd erheldt.

Ire

Ihre herrliche rettung zeugen von der grossen Krafft
vnd allmacht Gottes/ das wir einen Gott haben/ der
da hilfft/ vnd einen Vnsern Herrn/ der vom Tode er-
rettet. Psalm. 68. Das die Handt des höchsten kan al-
les endern/ Psalm 77. vnd zu helffen kein ziel habe/ wie
gros auch sey der schade/ Psalm. 130.

Ihr Todt vnd Marter/ vnd in derselben ihre gros-
se frewdigkeit vnd bestendigkeit/ ist ein gewis vnd vn-
widersprechlich zeugnis/ das ihre Lehr vnd Predigt/
Gottes ewige Wahrheit sey/ vnd das gewis ein ander
Leben müsse folgen nach diesem/ darinnen Gott/ vermö-
ge seiner Gerechtigkeit/ ihnen wiederumb in alle ewig-
keit guthun/ vnd sie ihres leides vnd leidens reichlich
ergetzen wird/ Wie sich Paulus damit tröstet/ 2. Ti-
moth. 4. Ich werde geopffert/ vnd die zeit meines ab-
scheidens ist verhanden/ Ich habe meinen Lauff vol-
lendet/ Glauben behalten/ einen guten Kampf gekem-
pffet/ Mir ist beygelegt die Krone der Gerechtigkeit/
welche/ mir geben wird der gerechte Richter an jenem
Tage/ vnd nicht allein mir/ sondern allen/ die seine er-
scheinung lieb haben.

Zum andern rühmen vnd preisen wir auch die
Personen der Weiligen/ das sie Gottes trewe Knechte
gewesen/ Matth. 25. Glauben gehalten/ 2. Timoth. 4.
Durch viel trübsal gangen/ Actor. 14. Ihre Kleider
gewasschen im Blut des Lambs/ vnd ihre Seele nicht
geliebet bis in den Todt/ wünschden ihnen alles guthun/
dem Leibe eine Selige ruhe/ vnd iren Seelen newe licht
vnd freude im Dimmel/ Wie die Israeliten an die
Greber ihrer verstorbenen geschrieben: Requiescat cor-
pus in pace, & sit anima custodit in fasciculo viuentium a-
pud Dominum. Der Leib habe alhie seine ruhe/ vnd
die

die Seele müsse eingebunden sein / im bündlein der Lebendigen für dem Herrn. 2. Sam. 25.

Zum Dritten / stellen wir vns der heiligen Exempel für zum Fortbilde / befließen vns denselben was hien glauben vnd Leben betanget / nachzufolgen. Wie in der ersten Kirchen bey den begrebnissen der Werterer Vigilia gehalten worden / das sie bey Nacht zusammen komen / vnd bey dem Leichnam der erwürgeten gepresdiget / sich mit Psalmen vnd andern Lectionibus / auch Geistlichen Lob gesungen vnter einander zu gleicher bestendigkeit ermanet / Nicht das sie den Todten Exequias gehalten / vnd ihnen damit in Himmel haben helffen wollen / sondern das die Lebendigen hiedurch erinnert wurden / solchem Exempel des Glaubens / bekentnis / bestendigkeit / vnd anderer Tugenden der heiligen nachzufolgen / vnd sich zu gleichem kampff zubereiten.

Also betrachten wir auch der heiligen Glanten / vnd Gottseliges Leben / vns zur nachfolge / das / wie sie an Christum geglaubet / ihn hertzlich geliebet / vmb seinet willen sich alles auff der Welt verziehen / ein heiliges / vnstreffliches Leben geführet / ihr Creutz mit grosser gedult getragen / vnd sich keine gefahr / auch den Todt nicht lassen schrecken / sondern bey Christo / vnd seinem Euangelio bestendig / bis an den letzten Seufftzer beharret / Selig gestorben / vnd sind nun droben im Himmel / siehen für dem Stuel des Lambs / angethan mit weissen Kleidern / haben Palmzweige in ihren Händen / Loben vnd Praisen Gott mit den lieben Engeln / sehnen sich auch nach ihres Leibes erlöschung / vnd schreyen mit heller Stimme: Herr du heiliger vnd warhafter / Wie lange richtest du / vnd rechnest nicht vnser Blut an denen / die auff Erden wohnen. Apocalip. 6. 7. Das

Das auch wir also vns vnser Christenthumb
lassen ein ernst sein/an Christum recht glauben/ ihn von
hertzen lieben/vnd vns nichts in dieser argen Welt las-
sen von ihm abwenden / auch in Creutz vnser Seele
mit gedult fassen/eine gute Kitterschafft vben / Glau-
ben vnd gut Gewissen bewahren/das vngöttliche we-
sen/vnd die Weltliche Lüste verleugnen/züchtig/gerecht
vnd Gottselig in dieser Welt leben / vnd immerdar
warten auff die selige hoffnung vnd erscheinung der
herrligkeit des grossen Gottes vnser Deylandes Ihe-
su Christi/vnd mit Johanne seufftzen: Komm Herr
Jesu/ Komm balde/ Auff das wir entlich zu der rechten
gemeinschaft aller heiligen versamlet werden/vnd
mit ihnen Gott von Angesicht zu Angesicht an-
schawen/vnd in alle ewigkeit loben vnd preis-
sen/Amen. Das ist die ehre/so den heiligen
nach Gottes Wort gebüret / vnd so-
viel auff diemahl. Wollen hie-
mit Gott vmb seine gna-
de anrufen:



Gott allein die Ehre.

Faint, illegible text, likely bleed-through from the reverse side of the page.



Faint text, likely bleed-through from the reverse side of the page.



Ni 726.
g

ULB Halle

3


001 526 278





Sl.

[Handwritten signature]







Encania oder Renoualia,
Der Stiff Kirch-
en zu Halberstadt / Gehalten an
S. Mattheus Tage/welcher war der
21. Septembris/Anno 1591.
vnd dabey geprediget/
Durch
Martinum Mirum / der heiligen
Schrift Doctor/vnd Dompres
diger daselst.

Gedruckt zu Thena/durch
Donat Richtheman.
Anno 1591.

11

A13 13